

**HOFA NO TA CONTRA  
POLITICONAN, E TA CONTRA  
PUEBLO MES**



**WWW.SOLODIPUEBLO.COM**



**SOLODIPUEBLO@GMAIL.COM**



**MINISTER DOWERS Y MINISTER  
HERDE NO TA RESPETA  
DECISION DI HUES DEN CASO  
GANA PA COMISARIONAN DI  
COMPANIA DI UTILIDAD**

Gana caso diabierna, wordo geschorst  
diadomingo

**VOTEGETHER DI CURACAO:  
MINISTER JAVIER  
SILVANA A ENTREGA  
RETIRO Y LO BAY  
PARLAMENTO**



**Fraccion di MEP  
BUREAU CITY  
INSPECTOR A  
GASTA HENTER  
SU PRESUPUESTO  
2025 RIBA ORDEN  
DI MINISTER  
PRESIDENTE**





# LIDER DI PARTIDO MEP TA MANDA PALABRA DI CONDOLENCIA NA FAMIA DI OSCAR WYATT



ORANJESTAD - Aruba ta hopi agradecido na sr. Oscar Wyatt den felis memoria, cu a dicidi di tuma over e refineria y habri esaki despues di varios aña. No tur conseho tabata positivo e tempo ey, pero e si a kere den Aruba.

Durante e trayectoria Oscar Wyatt a sera un amistad cu Nel Oduber y

Daniel Leo y asina a logra habri e refineria bek. E prome añanan tabata mas difcil pa e refineria stabilisa su unidannan di produccion.

Despues cu Coastal a stabilisa, Coastal a cumpra e oil terminal di Wickland y expande e refineria cu Delayed Cokers. Oscar Wyatt a demostra su



confiansa den Aruba y a inverti miyones di dollar despues cu e refineria tabata wordo desmantela.

Danki na Oscar Wyatt su curashi pa inverti pa habri nos refineria, nos economia a crece, y Aruba

a bira un pionero den nos region.



Dia 15 di oktober pa 10 'or am entiero di Oscar Wyatt ta tuma luga na Corpus Christi, Texas.

Den nomber di MEP y di

pueblo di Aruba en general nos ta gradici Oscar Wyatt pa su contribucion na Aruba su desaroyo.

Nos ta extende nos condolencia na su viuda, yiunan y nietonan. Cu Oscar Wyatt sosega na paz!

## AUTO A DAL MUCHA HOMBER(10)



Catiri - Diamars den oranan di polis di Noord a bay pura Catiri, pa ta mas exacto altura di Reality Supermarket.

Eynan auto a alcanza un mucha homber(10).

Na yegada polisnan a bay na un auto color blauw pabou di caminda, y despues cu polis di trafico a yega e la bay na un otro auto color cora pariba di caminda.

Por a mira e chauffeur mustrandó polis parti banda robes di auto, posiblemente unda e auto



a dal e mucha.

Na yegada di Paramediconan, nan a bay na e auto pabou di caminda

unda e mucha e lo tawata, unda cu nan a dicidi pa bay cu ne.

E la keda opgenomen y su situacion ta stabiel.



## Fraccion di MEP

# BUREAU CITY INSPECTOR A GASTA HENTER SU PRESUPUESTO 2025 RIBA ORDEN DI MINISTER PRESIDENTE

ORANJESTAD - Fraccion di MEP a manda preguntanan por escrito na e Minister di Finanzas tocante e maneho financiero rond e trabou di limpieza cu ta wordo haci na e bario-nan di Aruba riba orden di e Minister President Mike Eman.

pueblo.

Ademas, segun informacion cu e Fraccion a haya, e presupuesto di 2025 pa Bureau City Inspector ya ta completamente gasta, mientras cu e aña di presupuesto 2025 ainda tin tres luna pa bai.

Segun informacion ricibi, Bureau City Inspector, riba orden di e Ministerio di Asuntonan General y di Naturaleza, no ta wordo utiliza solamente pa limpieza di luganan publico, sino tambe pa limpia tereno-nan priva, usando fondonan publico. Esaki ta muestra claramente cu e gastonan ta wordo haci na beneficio di e campaña electoral di AVP, usando placa di

E fraccion di MEP ta considera esaki sumamente preocupante, y ta pidi transparencia, control y responsabilidad inmediato di parti di gobierno. Ta asina e problemanan di mal maneho a cuminsa durante e prome gobierno di Mike Eman y a termina den un curatela financiero y welga di hamber na aña 2013.

Den e preguntanan na



e Minister di Finanzas, e fraccion ta pidi pa tin investigacion y control efectivo, y kier sa si e gastonan aki ta den conformidad cu e Ley di Contabilidad, y ki mecanismo di control ta existi pa preveni uso

incorreto di fondonan publico.

“Bon maneho financiero ta un fundamento di bon gobierno. Parlamento y pueblo tin derecho pa sa con e placa di comunidad ta wordo usa,” segun e

fraccion di MEP.

E fraccion ta spera cu e Minister di Finanzas contesta e preguntanan den dos siman, pa Parlamento por cumpli cu su rol di vigila uso legitimo y integro di fondonan publico.

## ARUBA BANK TA CELEBRA CU NOS GRANDINAN

### Honrando Nos Raiznan, 100 Motibo pa Celebra



Oranjestad, 15 di oktober 2025 - Aruba Bank ta sigui celebra su 100 aña cu un evento special dedica na NOS GRANDINAN.

Como parti di e celebracion, e banco ta invita nos grandinan pa asisti na un anochi special: Honrando Nos Raiznan, 100 Motibo pa Celebra, dedica na tur esnan cu a yuda pone fundamentonan firme pa e generacion di awe.

E celebracion lo tuma lugar diabierna 24 di oktober 2025 di 7:00 PM te 10:00 PM na

Djiespie's Place. Entrada ta completamente gratis.

“Honoring Our Roots” ta un oportunidad pa Aruba Bank muestra su gratitud na tur esnan cu a contribui den e desaroyo di nos comunidad. Lo tin musica, show di baile y hopi ambiente pa tur presente.

Aruba Bank ta invita tur nos grandinan na Djiespie's Place pa un anochi special.



Parlamentario Eduard Pieters (PPA):

# “TA PARCE CU PPA A HAYA UN CASTIGO PA DEFENDE DIGNIDAD DI NOS GRANDINAN DEN PARLAMENTO”

Den su prome debut como Miembro di Parlamento, Eduard Pieters, el a hay'e ta defende e posicion di fraccion di PPA den presidencia di comision di Parlamento. Den un tono trankilo, papiando firma y cu hecho, Eduard Pieters a indica cu si realmente kier papia di politica nobo, innovativo y diferente, pero e accionnan ta demostra un politica tradicional y ta opta pa castiga esunnan cu a traha bon. Ta di lamenta cu manera ladron den anochi, a tene un reunion den comision central, kita e presidencia di PPA di Comision di Famia y Adulto Mayor, net na momento cu PPA ta den transicion di huramenta parlamentario Eduard Pieters y duna partido FUTURO, sr. Gino Goeloe, e presidencia. Esaki ta un acto di falta di respet, no solamente pa e partido y fraccion, pero pa tur adulto mayor y pensionado cu PPA ta defende sin pausa desde aña pasa.

## Un Palabra Cu Mester Tene Peso

Segun Eduard Pieters: “Mi ta sinti cu PPA a haya un castigo pa e tremendo trabou cu nos a haci,” señalando un realidad cu hopi Arubiano ta sinti: e politiconan cu ta traha pa pueblo, ta wordo hala un banda pa motibo politico. PPA, bou di liderazgo di Otmar Oduber, a dedica su energia den Comision di Famia y Adulto Mayor pa lucha pa dignidad di nos pensionadonan.

Di Plataforma PAIS te na PPA, esey tabata un compromiso real, unda a reuni cu e gremionan manera OPPA y SVB, pa investiga y propone solucion berdadero y realistico den e plan di PPA. Di e forma aki, PPA como un fraccion di 1 asiento, por a haci e preguntanan skerpi, dirigi y pone presion constructivo riba e presupuesto di gobierno, brindando un plan concreto pa drecha un sistema cu

ta pone nos grandinan den un situacion dificil y vulnerabel.

## Ta silenciar e comision cu a lucha pa dignidad di nos grandinan

E Comision di Famia y Adulto Mayor no tabata un comision cualkier. Den su periodo bou di presidencia di PPA, e comision aki tabata esun cu a traha mas. PPA tabata hopi activo, papiando cu e pensionadonan y pidiendo respet pa nan derechonan. Mientras otro di baina tabata menciona e topico aki den campaña, PPA tabata tin proposicion concreto. “Ta te na final di campaña por ehempel cu sr. Mike Eman a papia di redobla pension, despues el a cuminsa papia di 700 florin pa e pensionadonan y na final nos sa kico a pasa, ya cu ta 250 florin so el a entrega na e pensionadonan. Nos a para firme pa nos grandinan,” Pieters a enfatisa.



## Respet pa experiencia, no pa aliansa

Eduard Pieters a pone un punto fundamental: e comisionnan mester ta guia segun experticio di cada miembro di parlamento, no segun color politico. “Sr. Goeloe ta un experto den su area, mescos cu ami ta den enseñansa. Pero si nos kier hiba un politica nobo, nos mester busca un balansa y laga PPA e ora haya e comision den e area di enseñansa,” el a propone. Esaki ta un paso concreto di madures politico, unda

tin un Parlamento cu ta sirbi pueblo, no partido.

PPA no ta keda lamentando. “Nos ta sigui lucha,” Pieters a sigura. “Nos compromiso cu nos adultonan mayor no ta depende di stoel of titulo, sino di curason.” Otmar Oduber y su ekipo a keda cla cu: e plan di trabou, e reunionnan cu minister y e gremionan pa nos grandinan tin un bida digno. E castigo politico ta temporal. Pero e respet cu pueblo tin pa un partido cu ta traha cu dignidad, ta eterno.

# CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





# Parlamentario Xiomara Maduro: MINISTER DOWERS DI HUSTICIA Y MINISTER HERDE NO TA RESPETA DECISION DI HUES DEN CASO GANA PA COMISARIONAN DI COMPANIA DI UTILIDAD Gana caso diabierna, wordo geschorst diadomingo



Diabierna 10 di october hues a dicta cu comisarionan di companianan di utilidad ta gana nan caso, y nan mester wordo permiti pa nan por haci nan trabou, haya informacion y tambe wordo paga debidamente. Pa cada dia of parti di dia cu no cumpli cu e sentencia, tin un boet di 2.500 florin cu un maximo di 250.000 florin pa cada

comisario. Sin embargo prome cu e noticia aki ta bira conoci den pueblo, ya caba diadomingo dia 12 di october, Ministernan Dowers y Herde hunto cu e director nobo di Utilities, a bira manda carta pa informa tur e 15 comisarionan cu nan ta wordo geschorst.

**Dowers y Baba ta falta**

## respet na hues

E hecho cu e director nobo di Utilities hunto cu Ministernan Dowers y Baba Herde ta manda carta dos dia despues cu hues a duna su veredicto, ta muestra cu Dowers y Baba NO TA RESPETA e desicion di hues, cu a dicta cu mester laga e comisarionan aki bay bek pa haci nan trabou, duna nan tur informacion y paga nan pa nan trabou. Locual cu a pasa aki ta un atake serio contra Trias Politica na Aruba, ya cu Dowers ta Minister di Husticia di nos Pais y den e funcion eynan, e mester percura cu na Aruba sentencianan di hues ta wordo respeta y por wordo ehecuta sin wordo stroba pa, entre otro, desicion politico.

**Mas gasto pa pueblo paga**

Ministernan Dowers y Baba tampoco ta worry cu e boet di 2.500 florin pa comisario pa dia cu mester wordo paga pa cada dia of parti di e dia cu no cumpli cu hues su veredicto. Dus nan no ta worry cu e manera ta actua aki ta costa pueblo placa, ya cu e boetnan aki ta mas gasto pa e companianan di utilidad cu ta bira cobra pueblo mas placa pa awa y coriente.

Sin papia riba e consecuencia na unda ATROBE e companianan di utilidad ta bay den default cerca e banconan cu ta presta nan placa, y cu na fin di dia ta pueblo ta paga mas na awa y coriente pa motibo di e mal maneho y persecucion politico di Dowers y Baba.

**AVP FUTURO su**

## legado ta persecucion politico

Lamentablemente, persecucion politico ta bay ta e legado di e gobierno aki di AVP FUTURO.

Poco dia caba hues a dicta cu Minister Gerlien Croes a persigui un señora cu a traha duro pa Aruba. Awo ta Ministernan Dowers y Baba ta esnan cu ta persigui comisarionan di companianan di utilidad. E cos aki fuera di ta un berguensa, ta zaag na pia na trias politica na Aruba y ta bay costa pueblo placa tambe. Ta pa e motibo aki nos mester trece e abusonnan aki dilanti pa pueblo haya sa. Nos lo manda como Parlamentario tambe pregunta oficial pa Gobierno. Nos lo percura pa den historia keda graba cu AVP FUTURO su legado ta persecucion politico.

# VOTEGETHER DI CURACAO: MINISTER JAVIER SILVANA A ENTREGA RETIRO Y LO BAY PARLAMENTO

E popular minister di Curacao, Javier Silvana a entrega su retiro como minister na Gobernador diaranson atardi.

Tin algun dia caba cu tin un

problema andando rond un grabacion, un audio, unda ta scucha e minister ta papia cu director di belasting.

E grabacion ey lo por tin di

haber cu e retiro.

Na su salida el'a bisa cu e lo no duna comentario y lo laga e partido MFK manda un statement pa prensa.





Parlamentario Hendrik Tevreden:

# HOFA NO TA CONTRA POLITICONAN, E TA CONTRA PUEBLO MES

## Un mentira diplomatico strategico!

**Tin un argumento cu ta circulando cu: "HOFA ta solamente limita politiconan, no e pueblo."**

Esaki ta un mentira diplomatico strategico. Esun cu lo bay sinti e efecto real di HOFA ta e pueblo cu lo tin di bay biba e consecuencia di e medidanan draconico cu tin proponi. Politiconan lo sigui wordo eligi, y lo sigui bay trabou, pero awor aki sin tin di carga nan responsabilidad, pasobra ta loke Hulanda dicidi lo pasa y no loke e politico cu a bay eleccion aki na Aruba.

E politico lo ricibi su sueldo, pero e cuidadano lo tin di ricibi e cuenta. Democracia ta funciona di tal forma unda cu pueblo ta scoge esnan pa represente y pa bai traha p'e. Y ora cu pueblo kier cambia o baha nan por medio di su voto e ta baha nan. Pero cu HOFA bo no por baha Tweede Kamer ni tampoco Rijkswet, pero si bo tin di contesta 'Ja baas', na loke nan presenta y dicidi.

**Cu HOFA como Rijkswet bo lo tin situacionnan manera:**  
"Nos no por habri un centro di cuido, paso HOFA no ta

permiti"

"Nos no por aumenta salario minimo, paso CAFT ta bisa cu tin di paga mas debe prome"

"Nos no por duna aumento na maestro, paso Tweede Kamer no ta permiti"

"Nos no por habri un otro scol pa Polis, pasobra Den Haag no ta mira esey como prioridad"

Pues e argumento cu ta bay rond cu HOFA tey djis pa kita e autonomia di politiconan, ta completamente robes. E HOFA ta kita bo autonomia, di bo como pueblo. E ta un atake directo riba bo derecho pa



determina e futuro di bo pais. HOFA ta corta den e speranza di generacionnan cu ta sigui nos. Ken ta gana

y ken ta perde ora cu poder di decision ta sali for di man di pueblo?

Minister Wever:

## GOBIERNO DI ARUBA TA CUMINSA NEGOCIACION CU SURINAM PA YEGA NA UN TRATADO FISCAL



Washington D.C., 14 october 2025 – Minister Geoffrey Wever a tene un reunion cu su homologo di Surinam, Minister di Finansa y Planificacion S.E. sra. Adelen

Wijnerman durante e reunionnan anual di IMF y World Bank na Washington D.C.. Un di e topiconan cu a ser acorda ta pa inicia e negociacionnan pa yega

na un tratado fiscal entre Aruba y Surinam (belastingverdrag).

E topico di tratado fiscal, ta un cu Minister Wever a trece dilanti durante di e mision comercial pa Surinam cu e a lidera na juni 2024. E mision comercial, cu a conoce un delegacion di sector priva di Aruba amplio a bay cu e meta pa stimula comercio pero tambe pone un base solido pa futuro colaboracionnan cu lo fortifica e economianan di Aruba y Surinam.

Esey a resulta den e firmamento di un Memorandum of Understanding (MoU) na october

di 2024, unda Aruba y Surinam a confirma nan aspiracionnan pa promove cooperacion entre e dos paisnan. Na juni 2025, e conseho di ministers di Aruba di Gabinete AVP-Futuro riba peticion di Minister Wever a aproba pa Aruba cuminsa e trayectorio pa yega na un tratado fiscal cu Surinam.

E intencion di e tratado fiscal ta cu riba e mesun entrada lo no paga impuesto dos biaha. Esaki ta bay stimula comerciantenan di ambos Aruba y Surinam pa amplia e comercio y e tratado ta contribui na e interesnan economico



Comunidad di Aruba merece maneho y cuido transparente

# HOH CU ORGUYO A ENTREGA RELATO ANUAL DI 2024 NA MINISTER DI SALUBRIDAD

Recientemente durante un reunion Hunta di Directiva di Horacio Oduber Hospital (HOH) a presenta orguyosamente na Minister di Salubridad, drs. Melvin Wyatt-Ras, e relato anual di HOH cu ta inclui tur e cifranan pa loke ta aña 2024. E entrega di e cuenta anual 2024 y su accesibilidad pa comunidad ta un parti esencial di transparencia y bon gobernacion. HOH su enfoke ta transparencia y claridad y asina nos como organisacion ta

cumpli cu nos promesa y responsabilidad pa cu comunidad di Aruba.

Esaki sigur tabata un momento historico pa Hunta di Directiva di HOH mirando cu a encontra un retraso y pues e ultimo 5 añanan a traha duro y a logra termina un total di 19 cuenta anual di Stichting Ziekenverpleging, LabHOH y Bloedbank Aruba. "Awo nos na HOH ta completamente up-to-date y esaki ta yena nos cu orguyo mirando e trabou

duro cu e team di HOH a eherce pa logra e meta aki", asina sr. Gregory Croeze, miembro di Hunta di Directiva a conta.

"Nos kier a yama un danki na tur e personal di HOH cu a hasi esaki posibel. Nan a traha incansablemente e ultimo aña nan pa asina por a entrega e relato nan anual di calidad halto. Di parti Hunta di Directiva, un danki special na nan," Croeze a termina bisando. Tur e cuentanan anual a wordo debidamente



controla y aproba tambe pa accountant y awo ta accesibel tambe pa publico

via nos website [www.arubahospital.com](http://www.arubahospital.com).

Parlamentario Xiomara Maduro:

## PA MINISTER DOWERS, BANCONAN CU TA APROBA COMISARIO PA COMPANIA DI UTILIDAD TA "HENDE KENS"



E 15 comisarionan cu ta wordo persigui politicamente pa Minister

Dowers y Baba Herde, a gana nan caso y mester bay traha bek, haya tur

informacion y tambe nan pago correspondiente. Minister Dowers no a keda contento cu e veredicto di hues y pesey dos dia despues a manda carta pa tur 15 comisario pa schors nan, contra e veredicto di hues. Segun Minister Dowers e comisarionan apunta pa e gobierno saliente y aproba pa banconan/lenders, no ta sirbi pa e funcion y pesey e kier core cu nan.

Door di insinua cu e comisarionan no ta sirbi pa e funcion, Minister Dowers ta sugeri cu tur e

banconan/ lenders cu ta presta e companianan di utilidad placa, ta "hende kens" cu no sa kico nan ta haci. Dicon? Pasobra ta e banconan/lenders aki mester aproba cada un di e comisarionan cu ta bay haci un trabou di supervision den e diferente boardnan di e companianan di utilidad.

Si lenders no bay di acuerdo, niun hende por bira comisario. Awo si pa Minister Dowers e comisarionan ta "hende kens," e ora pa Dowers tur banco/lender cu ta

duna nan aprobacion, lo ta "hende kens" tambe.

E ta un berguensa cu un Minister di Husticia di Aruba, fuera di no ta respeta e veredicto di hues, ta presta su mes tambe pa sugeri cu banconan/ lenders cu a aproba e comisarionan apunta pa e gobierno saliente, ta "hende kens."

Pa tanto sabi cu Minister Dowers ta aparenta, su actonan ta muestra cu e ta scoge pa ta un hende cu ta haci coy kens.



Prome Minister Mike Eman:

# “E INVERSIONNAN CU NOS A HACI DEN MEHORA E RELACIONNAN DEN REINO TA DUNA SU FRUTO”



Prome Minister di Aruba, mr. Mike Eman, a expresa su satisfaccion y orguyo pa e progreso cu Aruba ta logra den cuadro di cooperacion den Reino Hulandes. Segun Eman, e contacto directo y sincero cu Hulanda pa restablece un vision di un Reino cu ta funciona pa tur su partinan, ta cumpli su meta y ta dunando resultado positivo.

Durante e conferencia di embahadornan y diplomaticonan di Reino staciona den region, cu a tuma dos dia, Aruba a comparti su plan strategico y su direccion pa un desaroyo integral, unda crecimiento economico ta conecta cu bienestar social.

Gobierno di Aruba ta trahando pa crea un pais cu su desaroyo economico ta traduci den un bida miho pa nos hendenan, cu bon cas, bon skol, y bon barionan. Esaki no ta solamente un sueño, sino

un plan concreto cu awe ta haya su reconocimiento internacional. Premier Eman a referi na e rapport recient di Fondo Monetario Internacional (IMF) cu a confirma cu e rumbo cu Aruba a tuma ta esun corecto, indicando cu esaki ta esencial pa estabilidad sostenibel tanto economico como social.

Segun Eman, e embahadornan y diplomaticonan di Reino a expresa nan apoyo pa e direccion di Gobierno di Aruba, y ta compromete pa sigui habri portanan di cooperacion, tanto na Hulanda como den e paisnan unda nan ta representa Reino.

Ta importante pa mantene e relacionnan diplomatico fuerte, specialmente den un mundo unda e inestabilidad ta crece. Mester corda cu nos relacionnan exterior ta un di nos defensa mas fuerte. Tur embahada y embahador di Reino ta aliado den proteha e

bienestar y progreso di Aruba.

Eman a expresa su preocupacion riba e tono negativo y antagonista cu algun politiconan local ta adopta contra di Hulanda: Ta incomprendibel cu politiconan cu poco tempo pasa tabata goberna Aruba, awo ta bay riba un campaña cu por pone nos reputacion internacional na riesgo. E mes rapport di S&P a indica cu si Aruba ta adopta un posicion di antagonismo contra Hulanda, esaki por causa un downgrading pa nos isla. Esaki ta pone nos paspoort Hulandes den peligro, netamente pa motibonan politico.

Premier Eman a enfatisa cu e acercamento di Gobierno AVP-Futuro riba e tema di e Rijkswet ta basa riba cooperacion, respet y vision pa e bon comun. Riba e ultimo aki, Gobierno ta organisando un conferencia internacional riba e tema, pa amplia e dialogo y fortifica e vision pa e meta grandi aki. Gobierno ta trahando pa un futuro unda progreso economico ta traduci den progreso pa comunidad. Esaki ta e corason di nos vision, y ta un tema cu ta ricibi apoyo amplio di embahadornan. E conferencia internacional lo sirbi como un plataforma



pa Aruba sigui comparti un pais chikito cu un gran su vision sostenibel y proposito den Reino. reforsa su posicion como

## Clasificados


**SOLODIPUEBLO@GMAIL.COM**

**CEL.585 9500**



# E PROME ACTIVACION DI AUTENTICO CULINARY FESTIVAL:

## Tayer Special pa Studiantenan Culinario



Diabierna 10 di october, mas cu 175 estudiante di Colegio EPI, EPB Oranjestad y EPB San Nicolas a participa den e prome activacion di Autentico Culinary Festival cu tabata un tayer educativo. E activacion aki ta forma parti di e Culinary Education Plan, un iniciativa di Aruba Tourism Authority (A.T.A.) den colaboracion cu e festival. E tayer a duna un bista real di e mundo culinario y a sirbi como un

plataforma di inspiracion pa e studiantenan.

Durante e programa, e studiantenan a ricibi conocimiento for di diferente profesional di e industria. Studiantenan por a siña di Aldwin Donata, cu ta un Chef Ehecutivo. Chef Donata a inspira e studiantenan pa sigui un carera den arte culinario, compartiendo su experiencia personal y e dedicacion cu ta necesario pa logra exito.



Tambe a siña di Lorraine Cooyman cu a presenta e tema "From Farm to Table", enfatisando importancia di sostenibilidad y producto local den gastronomia, uzando su mesun experiencia como agricultor. Cooyman a trece tambe microgreens pa e studiantenan purba y hiba cas, dunando nan un experiencia directamente for di tera.

Zaida Everon, sommelier di pan, tambe tabata parti di e programa. Everon a mustra con pan por mehora e experiencia culinario, combinacion di pan cu diferente plato crioyo y a splica diferente tecnica. E sesion tabata uno interactivo caminda studiantenan por a hole, mira y purba e famoso pan di sourdough.

Jessika Theysen, sommelier di biña, a siña e studiantenan con pa combina diferente sabor di biña cu diferente plato y tecnica pa sirbi biña. Theysen tambe a enfatisa cu sirbimento ta mas cu un



gesto, pero ta e sensacion cu bo ta laga tras.

E programa a culmina cu Jean Claude Werleman, Chef Ehecutivo, cu a presenta un demostracion bibo di e preparacion di un dessert. Su sesion a duna e studiantenan un bista visual y practico di con creatividad y tecnica ta fundamental den

preparacion di diferente dessert y pastries. Na final, studiantenan cu a contesta e preguntanan di Chef Werleman corecto, a haya chens di purba e dessert.

A.T.A. ta gradici tur cu a presenta na e tayer pa nan contribucion valioso. Tambe ta gradici e scolnan pa nan participacion activo.



# TRIDIUM NA HONOR DI SAN HUDAS THADEO NA MISA INMACULADA CONCEPCION SANTA CRUZ

Diasabra dia 25 di oktober 2024 ta cuminsa un TRIDIUM na honor di San Hudass Thadeo, "E SANTO DI SPERANSA", Patrono di esnan desespara i di casonan difencil.

Nos ta resa e Santo Rosario na honor di Mama Maria i despues nos ta resa e oracion di TRIDIUM na honor di San Hudass Thadeo.

E Santo Rosario ta cuminsa: Diasabra dia 25 pa 6.15 p.m. sigui pa un Santo Sacrificio di Misa pa 7.00 p.m. Diadomingo dia 26 pa 7.15 a.m. sigui pa un Santo Sacrificio di Misa pa 8.00 a.m.

Dialuna dia 27 pa 6.15 p.m. sigui pa un Santo

Sacrificio di Misa pa 7.00 p.m.

Diamars dia 28 lo ta e fiesta di San Hudass Thadeo. Pa 6.15 p.m. lo tin un Rosario na honor di Mama Maria i cantica na honor di San Hudass Thadeo sigui cu Santo Sacrificio di Misa pa 7.00 p.m.

Grupo di Oracion San Hudass Thadeo Santa Cruz ta invita cordialmente tur deboto di Mama Maria i San Hudass Thadeo i pueblo di Aruba en general pa asisti na e TRIDIUM aki. Nos ta resa pa bendicion i paz pa nos Dushi Aruba, pa combercion di pecadornan, crecimiento di fe i tambe pa paz mundial. Ta pidi tur fielnan pa bini cu e buki di nobena pa nos resa i canta for di dje.



## Obituario

Publica serka nos anuncio di fayecimento di bo ser keri.  
Nos tin 2 pakete pa ofrece;

**Pakete 1:** Anuncio di fayecimento te dia cu e defunto ser dera  
Gradicimento y invitashon pa misa pa 3 dia AFI 250,00

**Pakete 2:** Anuncio di fayecimento te dia cu e defunto ser dera  
Gradicimento y invitashon pa misa pa 3 dia  
Na Canal 22 1x prome cu Noticiero 22 Afi 400,00


**Pa mas informashon por tuma contacto cu oficina na**  
**585-9500 of na 741-4554**


## CROSSWORD

### WORD SEARCH PUZZLE



# Fruits





**Across**

3. A big fruit you eat in the summer.

5. What fruit do monkeys like?

6. A red fruit.

**Down**

1. Purple fruit.

2. A small red fruit.

4. \_\_\_\_\_ juice.




# Clasificados




**SOLODIPUEBLO@GMAIL.COM**  
**CEL.585 9500**





Parlamentario Carlos Bermudez:

# “Embehecimiento ta un reto, pero tambe un oportunidad pa un Aruba mas fuerte y sostenibel”



ORANJESTAD (14 di october 2025) – Durante e bishita oficial di delegacion di parlamentario di Aruba na Hulanda pa e reunion di Interparlementair Koninkrijksoverleg (IPKO), caminda cu parlamentarionan di Aruba, Corsou, St. Maarten, Eerste Kamer y Tweede Kamer a topa, Carlos Bermudez, miembro di Parlamento pa AVP ta duna di conoce cu a presenta un tema cu ta keda gana relevancia den

turpais di Reino Hulandes: embehecimiento di e poblacion of sea vergrijzing. Durante e presentacion cu a haya for di Richard van Zwol, a mostra cu e edad promedio di habitante den Reino a sigui subi constantemente desde 1990 y segun e pronosticonan pa 2050, e tendencia lo sigui na un nivel mas halto. Aruba, manera otro paisnan den Reino, ta enfrentando e mesun situacion: un poblacion cu ta bira mas bieu y un grupo laboral cu ta disminui. Segun Bermudez, esaki ta un asunto cu tin implicacionnan grandi pa e futuro di e pais, y cu ta pidi planificacion serio den area di salud, infraestructura y mercado laboral. “E embehecimiento no ta solamente un reto pa gobierno, pero tambe un oportunidad pa innova.

E ta un yamada pa nos adapta CAO den caso cu tin obstaculo, crea mas flexibilidad laboral, y reconoce e balor cu e generacion mayor tin pa nos comunidad,” Bermudez a bisa. Mayornan activo despues di pensioen Un di e punto mas importante cu Bermudez a resalta ta e necesidad pa motiva mayornan pa sigui traha despues di e edad di pensioen. Segun e parlamentario, hopi hende ta opta pa no sigui traha pasobra e ganashi adicional ta pone nan den un categoria di belasting mas halto, cu ta laga nan casi sin nada di loke a gana. “Mi ta contento di mira cu e Gabinete AVP/Futuro a expresa su intencion pa introduci un reduccion fiscal di 10 mil florin pa e grupo aki. Esaki lo crea un ambiente atractivo, husto y digno pa e grandinan cu ainda tin energia, experiencia y gana di sigui contribui,” el a enfatisa. A agrega cu Hulanda mes ta bini cu recomendacionnan pa crea mas flexibilidad den orario di trabou, pa duna espacio pa cita medico y atencion familiar, y cu infraestructura mester adapta pa movilidad limita. “Nos mester sigui esey tambe, pasobra un pais cu ta traha pa bienestar di su pueblo, ta traha pa tur generacion — chikito y grandi,” Bermudez a bisa. Apoyo pa un trato humano y husto Bermudez tambe a referi na un caso reciente den Departamento di Obra Publico (DOW), caminda contratistanan di 70 aña a ricibi un carta di

terminacion di contrato pa fin di 2025. “Esey ta contra di e direccion cu nos gobierno kier tuma. Mi ta completamente di acuerdo cu promer minister mr Mike Eman, cu a sali y bisa cla cu e no ta bay permiti esaki pasa. Nos no por trata nos grandinan manera cifras; nos mester trata nan cu respet y humanidad,” el a enfatisa. Trece hobennan profesional bek cas Un otro punto central ta e necesidad pa traha un programa structural pa trece nos hobennan profesional bek cas. Bermudez a bisa cu durante e reunion cu studiantenan Arubiano na Haagse Hogeschool, el a nota cu hopi ta interesa den bolbe, pero ta falta oportunidad, seguridad y infraestructura. “E salario, costo di bida y perspectiva pa futuro ta e tres factor cu ta hala atencion. Si nos no duna nan un razon pa bolbe, nan lo keda

contribui na economia di otro pais,” el a bisa. Den e Memorie van Toelichting di presupuesto 2026, ta contempla cu e Gabinete AVP/Futuro lo elabora un sistema pa facilita e regreso di profesionalnan Arubiano. Bermudez a agrega cu den Tweede Kamer, a presenta un mocion pa evalua posibilidad pa rebaha debe di estudiante (DUO), si e profesionalnan ta traha y biba na su pais di origen pa un periodo determina minimo di aña. “Esaki ta un idea husto y motivante. Si nos ta papia di futuro, nos mester papia di nos hobennan,” el a afirma. Bermudez a conclui cu un mensahe di speransa: “Aruba mester di su grandinan y di su hobennan. Un gobierno ta traha pa tur dos. Esaki ta e direccion cu Gabinete AVP/Futuro ta tuma — pa un Aruba cu ta prospera, cu ta sostenibel, y cu ta basa riba respet pa tur generacion.”





# Taekwondo Team Aruba a gana e TK5 na Corsou



Den fin di siman Taekwondo Team Aruba bou guia di Master Yoshmar Wever a participa den e TK5 na Corsou cu participacion di Surinam y Corsou.

Despues di tira e moneda, Aruba a sali contra di Surinam cu bo no por confia den nan opstelling

y semper tin sorpresa den nan. Aruba a bay cu un team bon prepara bou guia di e trainer y coach di Taekwondo Team Aruba cu a stel op e atletanan di Aruba pa enfrenta Surinam.

Aruba a sali contra Surinam den e prome rond, pero a dal den duro, pasobra nan a bin prepara


pa Aruba. Aruba no a perde pa gana y a cuminsa bringa sabi y scucha bon for di nan coach y a bolter e score den e segundo rond. E prome rond y 5 minuut a termina 39-84 contra Surinam pa Aruba. Den e di dos rond di 3 minuut Aruba a cuminsa ataca hopi mas y pone Surinam bou presion y cambia e atletanan manera cu Surinam haci cambio pa sigui avansa cu e score y asina e score a termina 65-113 pa Aruba.

Den di tercer rond Aruba a bolter e score hopi mas y a termina e score 143 pa 87 contra Surinam pa Aruba un biaha mas. Un victoria grandi pa Aruba. Despues



Aruba a haci cambio den e atletanan pa enfrenta Corsou. Aruba a gana Corsou cu

un score di 39-81 y a logra gana e Copa di TK5. Pabien Taekwondo Team Aruba cu boso logro.



|  |               |                                                                |                 |
|--|---------------|----------------------------------------------------------------|-----------------|
|  |               | Paardenbaaistraat 10, Oranjestad, Aruba Tel.: (297) 525 - 7555 |                 |
|  |               | www.lottoaruba.com                                             |                 |
|  |               | Resultado: Sorteo di Anochi - October 15, 2025                 |                 |
|  | Sorteo # 8674 | Sorteo #                                                       | Joker Letter    |
|  | 7451          | 0x Jackpot                                                     | Proximo Jackpot |
|  | 4673          | 0x Match 4+                                                    | 170.000,-       |
|  | 4327          | 0x Match 4                                                     |                 |
|  | Sorteo # 7718 | Sorteo #                                                       | 03-06-07-14-29  |
|  | 1581          | 0x Jackpot                                                     | Proximo Jackpot |
|  |               | 4x Match 4                                                     | 60.000,-        |
|  |               | 165x All 8.00                                                  |                 |
|  | Sorteo # 2423 | Sorteo # 1810                                                  | 02-22-26-30     |
|  | 6030          | 0x Jackpot                                                     | Mega Ball 14    |
|  |               | 4x Match 4                                                     | Proximo Jackpot |
|  |               | 41x All 50.00                                                  | 340.000,-       |
|  | Sorteo # 6477 | Sorteo #                                                       | Afl. 440.000,-  |
|  | 0813          |                                                                |                 |
|  | Aries         |                                                                |                 |
|  |               |                                                                |                 |
|  | Sorteo # 1407 | Sorteo #                                                       |                 |
|  | 875           |                                                                |                 |
|  |               |                                                                |                 |
|  |               |                                                                |                 |
|  |               |                                                                |                 |



# Dia di Alimentacion 2025: MAN DEN MAN PA MIHO CUMINDA Y UN MIHO FUTURO



Sistemanan di agricultura ta confrontando retonan sin presedente. Conflicto, e impactonan di tempo y eventonan di clima extremo, shocknan economico y desigualdad creciente ta poniendo presion creciente riba e tereno cu nos ta cultiva. E awa cu nos ta depende di dje y e biodiversidad cu ta sostene bida. E cadenan di suministro ta keda fragil y e efectonan di interrupcion ta wordo sinti den cas, mercado y terenan rond mundo.

Man den Man atraves di frontera, sector y generacionnan. Den algun lug a e severidad di inseguridad di cuminda ta abrumador. Un calculacion di 673 mion hende ta bibando cu hamber. Na otro caminda nivelnan creciente di obesidad y desperdicio

di cuminda generalisa ta muestra riba un sistema for di balansa caminda abundancia y ausencia ta co-exsisti, cual hopi biaha ta banda di otro.

Sistemanan di agroalimentacion tambe ta un fuente grandi di emision di gasnan di efecto di invernadero. Tog nan ta ofrece potencial real pa reduci e emisionnan ey atraves di e manera cu cuminda ta wordo cultiva, cosecha y comparti. Pa cumpli cu e nesecidadnan di un poblacion mundial creciente ta rekeri trabou den team atraves di frontera, sector y generacionnan.

Tur hende tin un rol pa hunga Invercion mas grandi y mas dirigi, ideanan nobo y cooperacion mas profundo ta necesario. For di gobierno y

organizacionnan internacional te na cunukero, investigado, negoshi consumidonan, incluyendo hobennan, tur hende tin un rol hopi importante pa hunga den forma e transformacion di sistemanan di agroalimentario. Manera FAO ta cumpli 80 aña. E Organizacion ta para cla pa sigui traha hunto cu su miembro y partnernan. E enfoke ta cla pa haya solucionnan practico y duradero cu ta responde na e retonan di awendia y yuda logra un mundo sigur di cuminda pa tur hende pa awe y mayan.

Kiko bo por hasi Consumidonan tambe ta carga parti di e solucion. Skohe dietanan saludabel, malgasta menos y yuda proteha e tera, awa y biodiversidad cu ta

hasi cuminda posibel ta actonan chikito cu ta suma. Papia pa esnan cu ta enfrenta hamber, involvi cu esnan cu ta tuma decision y keda atento na cambio. Esakinan ta algun di e maneranan pa forma parti.

Trata na produci bo mesun producto Departamento di Agricultura, Cria y Pesca Santa Rosa pa varios anja caba semper a trata na concientiza e ciudadano pa purba na produci bo mesun alimento. Kisas no directamente e mester den cria di bestianan alimenticio pero si bo mesun un fruta cu berdura. Trata na cultiva esaki na cas. Kisas bo tin limitacion na tereno pero tira un bista den cura di cas kico por ta na bo conveniencia. Cualquiera skina cu por tin den cura por cultiva y fruta of berdura dibo preferencia. Ken awendia no ta hasi uzo di berduranan diariamente pa prepara un bon plato. E por ta tomati, Prometon, Celder, Cocomber di salada. Nos ta sigur cu un di e berduranan aki ta awordo uza den bo cushina. Sin papia mes di matanan herbal cu tambe ta wordo uza practicamente diariamente. Manera un Yerbi hole, Ciboyin, Oregano y asina por sigui menciona. No solamente bo ta cultiva esakinan pabo propio uza, pero tambe bo por hiba un bida mas saludabel y asina evita productonan prosesa cu kisas tin impactonan directo riba bo salud.

Ban hasi mas cu e poco cu nos tin Limitacion di terenan awedia ta un factor hopi grandi. Pesey ban purba hasi mas cu e tiki tereno of espacion cu nos tin den cura. Trata na hasi un variedad di productonan diario cu ta wordo uza.

Ban trata na inclui mas nos yiunan pa nan tambe por ta conciente di hiba un bida saludabel. Trata na involvi mas esnan cu ta rond dibo y encurasha nan tambe pa nan ta conciente di e seguridad di cuminda y pa nan tambe hasi e cambio di produci algo pa nan mes y comparti cu famia. Trata na hasi intercambio di producto pa locual dado caso cu tin di mas, sea comparti of bende bo producto pa genera maske ta un tiki entreda y kisas te hasta cubri algun gasto chikito. Mira si ta dibeidad bo ta desea di continua den e direccion ey.

Nos semper tey Departamento di Agricultura, Cria y Pesca Santa Rosa semper tey cu portanan habri pa cualkier pregunta y inkieta cubo por tin riba nos Sector Primario. Bo ta desea di cuminsa cu algo chikito of grandi nos tey pabo. Pa conseho, guia, of un di nos servicicionan. Corda si cu tin rekesitonan aplicabel pa yega na remarke. Bo por comunica cu nos na tel: 585-8102 of tambe email nos na [info@santarosa.aw](mailto:info@santarosa.aw).

Feliz dia di Alimentacion na tur nos productornan local cu ta hasiendo un tremendo trabou pa nos Sector Primario.

“E accionnan cu nos tuma awe lo tin impacto directo riba nos futuro. Nos mester produci mas cu menos. Ban traha pa un futuro cu ta mas inclusivo y mas husto”





Partido MEP

# GEOFFREY TA GABA CU GOBIERNO A APROBA SU MANEHO PA COMPANIA ESTATAL SIENDO CU DOWERS Y BABA TA HACI DESASTER DEN UTILITIES, WEB, ELMAR, ETC

Cu consecuencia cu prijs di awa y coriente ta subi pa pueblo

ORANJESTAD - Poco dia pasa minister Geoffrey Wever a gaba den prensa cu Gobierno a aproba e maneho pa participacion y dividendo den companianan estatal, e asina yama "Deelnemingenbeleid" y "Dividendbeleid". Wever a yame un momento sumamente importante pa gobernacion di Aruba. Di berdad gobierno di AVP Futuro ta haci algo historico, paso nunca antes tabata tin asina hopi persecucion politico y desicion contra tur regla di bon gobernacion ta tuma luga na Utilities, WEB, Elmar etc.

Geoffrey su coleganan Dowers y Baba cu tambe ta sinta na mesa cune pa tuma desicion, ta haciendo un desaster den tur compania di utilidad. Ta persigui directornan y comisarionan politicamente contra tur regla di bon gobernacion. Ta pusha hende dudoso y cuestiona den posicion clave pa haci locual Dowers cu Baba cu AVP kier. Ni sentencia di Hues Geoffrey su coleganan Dowers cu Baba no ta respeta. No falta mucho pa nan bay mete cu trahadornan tambe cu Dowers y Baba no gusta. Anto tur esey ta pasa y Geoffrey cu ta gaba cu bon gobernacion ta keda keto, bira cara wak otro banda.

Geoffrey a lubida cu como minister di finansa e tambe tin cu controla y evita cu e persecucion politico di Dowers y Baba no bira extra gasto pa pueblo paga na awa y coriente mas caro. Ya caba e desaster




di Dowers y Baba di bay contra desicion di Hues ta bira gasto extra di abogado y boet cu Hues a pone di 2500 florin pa dia pa cada un di e 15 comisaronan cu ta wordo persigui politicamente. Tur e gastonan extra aki pa WEB y Elmar etc ta bira prijs mas halto pa awa y coriente pa pueblo. Ya caba Geoffrey a hisa prijs di gas, awa e ta bay laga prijs di awa y coriente bira mas caro tambe djies pasobra Dowers y Baba tin sed di vengansa?

## Paga bo cuenta online ta facil



Pa hasi pago online pone number y adres na cuenta di banco RBC Sunmax Printing  
account # 7700000100152447

## Clasificados



SOLODIPUEBLO@GMAIL.COM  
CEL. 585 9500





# SOPI DI LETRANAN

|   |   |   |   |   |   |   |   |   |   |   |   |   |   |   |   |   |   |   |   |
|---|---|---|---|---|---|---|---|---|---|---|---|---|---|---|---|---|---|---|---|
| Q | S | L | W | S | R | J | L | E | N | G | U | A | J | E | U | V | M | K | I |
| R | D | R | V | P | G | X | H | Ñ | I | G | R | L | N | R | T | D | T | U | W |
| V | E | R | B | O | S | X | P | P | Z | M | I | A | Ñ | A | Ñ | T | L | Q | Z |
| B | N | Y | K | R | T | N | M | B | H | Ñ | Ñ | C | B | Ñ | D | M | V | W | N |
| S | O | G | N | O | T | C | I | D | L | I | F | I | Q | M | I | Q | E | I | S |
| J | I | Ñ | A | D | Q | R | R | H | A | N | K | T | S | E | A | J | E | H | M |
| A | S | O | D | A | T | C | I | D | O | F | B | A | I | A | L | R | C | D | P |
| S | N | W | H | K | R | I | P | T | N | U | B | M | R | C | O | J | R | E | N |
| A | E | S | C | R | U | C | I | G | R | A | M | A | S | T | G | M | X | R | Y |
| X | R | A | A | X | C | C | O | U | L | Q | R | R | K | I | O | U | J | I | I |
| N | P | P | I | R | I | R | H | I | F | X | D | G | M | V | S | R | W | P | A |
| O | M | V | Ñ | A | E | L | S | K | Q | O | L | U | C | I | T | R | A | X | F |
| R | O | C | S | M | P | E | J | S | X | G | K | H | T | D | R | E | M | D | F |
| E | C | M | U | T | D | C | G | I | Q | A | S | X | D | A | F | O | G | K | U |
| N | S | N | Z | A | I | T | V | Z | O | A | E | U | K | D | J | D | Q | W | I |
| E | O | W | O | D | U | U | A | O | M | A | H | J | X | E | F | M | Z | Z | Q |
| G | T | C | F | Ñ | E | R | M | E | P | Ñ | Y | P | I | S | J | A | F | J | O |
| M | X | G | J | N | E | A | T | A | Q | S | Y | E | N | C | P | X | Z | X | W |
| O | E | B | H | X | L | Ñ | Y | X | L | R | G | Ñ | Y | U | F | W | U | B | L |
| J | T | G | Q | A | Ñ | R | N | M | Z | R | C | D | Y | Ñ | O | L | V | J | M |

ACTIVIDADES  
ARTICULO  
COMPRESION  
CRUCIGRAMAS  
DIALOGOS  
DICTADOS  
DICTONGOS  
GENERO  
GRAMATICA  
LECTURA  
LENGUAJE  
NOTICIAS  
NUMERO  
SILABAS  
TEMAS  
TEXTOS  
VERBOS

# SUDOKU

|   |   |   |   |   |   |   |   |   |
|---|---|---|---|---|---|---|---|---|
| 8 |   |   | 3 |   |   |   |   |   |
| 3 |   |   |   |   | 5 |   |   |   |
|   |   | 9 | 1 |   | 4 |   |   |   |
|   | 4 |   |   | 8 |   | 7 |   |   |
| 6 |   |   |   |   |   |   |   | 2 |
|   |   | 8 |   | 2 |   |   | 3 |   |
|   |   |   | 7 |   | 9 | 6 |   |   |
|   |   |   | 2 |   |   |   |   | 5 |
|   |   |   |   |   | 8 |   |   | 4 |

|   |   |   |   |   |   |   |   |   |
|---|---|---|---|---|---|---|---|---|
|   |   | 9 | 8 |   |   |   | 4 |   |
| 4 |   |   |   | 5 |   |   |   |   |
|   |   |   | 7 | 1 |   |   |   | 9 |
|   |   |   |   |   |   | 8 |   | 1 |
|   | 5 | 8 |   |   |   | 4 | 7 |   |
| 6 |   | 3 |   |   |   |   |   |   |
| 5 |   |   |   | 7 | 1 |   |   |   |
|   |   |   |   | 4 |   |   |   | 2 |
|   | 7 |   |   |   | 9 | 1 |   |   |

|   |   |   |   |   |   |   |   |   |
|---|---|---|---|---|---|---|---|---|
|   |   | 7 | 1 |   |   |   | 5 |   |
|   |   |   |   | 7 | 4 | 8 |   |   |
|   | 2 |   | 3 | 8 |   |   | 7 | 6 |
|   |   |   |   | 4 | 8 |   | 1 | 9 |
|   |   | 8 |   |   |   | 5 |   |   |
| 6 | 9 |   | 5 | 3 |   |   |   |   |
| 8 | 7 |   |   | 1 | 9 |   | 3 |   |
|   |   | 3 | 8 | 5 |   |   |   |   |
|   | 1 |   |   |   | 3 | 9 |   |   |

## Oracion di dia

### Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos por ta manera e fariseo husingando otro y halsando su mes of manera e cobrado di belasting ta reconoce su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa voluntad.

Amen.



# FORTALEZA PA FAMILIA

Scirbi pa Pastor Marcel Balootje.

## E MAN DI DIOS Y PALABRA DI DIOS TIN MAS PODER CU PALABRA DI HENDE

E palabra di Dios ta bisa nos cu cielo y tera lo pasa, mas Dios su palabra lo no pasa. ( Lucas 22:33)

Den Job 42:2 Job ta bisa Senjor: Mi sa cu bo por haci tur cos, y cu ningun di bo propositonan no por wordo stroba.

Hopi biaha nos ta laga palabra di hende influencia nos bida, y nos ta tuma palabra di hende haci nos base di confiansa, anto nos ta lubida ken ta Dios den nos bida.

Wak bon e muher cu fluho di sanger pa 12 anja den Marco 5 a tuma un decision cu a cambia henter su bida, ora e a tende di Hesus, kico Hesus ta haci e no a duda ningun momento e a bisa; Si mi mishi cu su mantel lo mi ta sana, e a mishi cu e mantel di Hesus, y a sinti inmediatamente sanacion den su curpa y e a wordo



libra di su afliccion.

Y pa confirma tur cos Hesus mes a bise: Mi yiu bo fe a salbabo, bay na pas y sea libra di bo afliccion. (Marco 5:34).

Awendia hopi hende ta laga palabra negativo, trece decepcion den nan

bida, pasobra e enemigo sa cu palabra negativo, y actitud negativo ta tranca crecimiento spiritual, pasobra semper e persona ta keda manera un baby, pasobra e no tin curashi pa dal un paso di fe.

Tin hopi hende cu kier bira comerciante, negociante, y tin nan propio negoshi, pero esey no ta nifica solamente cu banco a aproba bo fianza, pero awor abo mester tin curashi pa tuma e paso di fe y drenta den e negoshi, pasobra tecnologia moderno no por negocia pa bo, ta bo fe y bo curashi ta hibabo na victoria.

Miedo no ta hiba hende ningun caminda pasobra miedo no ta di Dios, Dios no a duna nos un Spirito di miedo, pero un Spirito di poder y un mente sano.

Unabes cu Dios ta bisa cu nos curpa ta tempel di Dios

y cu e Spirito di Dios ta biba den nos, tur cobardia tin cu sali na careda, tur bobedad y duda mester baha na awa, pasobra caminda e Spirito di Dios ta eynan tin libertad.

Ta e bendicion di Senjor ta haci rico, y E no ta agrega tristesa na dj'e, (Proverbionan 10:19).

E enemigo a bin solamente

artificial. pero laga nos corda un cos cu nos Dios no ta artificial, ni tampoco filosofico, tampoco enganoso, Su palabra ta fiel y berdadero pa siglo y siglonan y pa eternidad.

Pesey e plan di e enemigo ta pa fria hende, troce e palabra di Dios, saca hende for di e naturalesa cu Dios a crea nan den dje y asina hinca nan den

pa horta, pa mata y pa destrui, y nos tin cu tene bon cuenta cu esey pa nos no habri porta pa e enemigo, y sembra duda den nos curason, pasobra e enemigo conoce e palabra di Dios, y e sa cu esun cu duda no por ricibi nada, pasa e no ta reconoce e capacidad di Dios.

Ta hopi distraicion tin den mundu actualmente, especialmente cu imitacion, y cosnan

un mundo di fabula y hipocrecia.

Ora e man di Dios ta riba nos bida y e palabra di Dios ta goberna nos curason, e radar di diabel no por capta nos movecionnan, pasobra nos ta move completamente for di e zona di di duda.

Dios danki pa bo man y bo palabra cu ta guia nos bida, na un exito grandi y completo.

**UN BITTER  
DI MAS...**

**FOR  
STROBA  
BO DI  
YEGA CAS.**

**E  
DECISION TA  
DEN BO MAN**

**Clasificados**

**SOLODIPUEBLO@GMAIL.COM**  
**CEL.585 9500**

**SOLO**  
Di Pueblo